

tat, tum ut Medicum, & Superiorem admoneat, tum ut cibum tempestive præbeat. VII. Si morbus sit contagiosus, suppellex separari debet, ne cuiquam noceat. VIII. Convalescentes e lecto surgere non permittat, priusquam id Medicus concesserit. IX. Patientiæ, & charitatis erga Ægrotos meminerit. Quare curabit, ne debita ministeria ægrotis desint. X. Morbo ingravescente Abbatem moneat, ut ægrotus antequam iudicii usu privetur, omnia Sacramenta accipiat. Quod si ægrotus diu, licet sine periculo, decumbat, curet, ut octavo quoque die communicet, nisi aliqua ratio iudicio Abbatis impediat. XI. Instante mortis articulo, sive proximo periculo, Abbatem admoneat, ut orationibus omnium Fratrum valde peculiaribus Infirmum juvari faciat: Atque eo magis, quo morti propinquiorem viderit, & ut morienti, quo plures poterunt ex Fratribus, adfint, qui convenientibus illi articulo auxiliis moribundum juvent. Et cum primum vita functus fuerit, Præfectum Ecclesiæ, seu Ædituum admoneat, ut consuetum signum pulset. XII. Provideat, ut mortuorum Fratrum corpora ad sepulturam præparentur, & ut spatium unius diei naturalis decenter super terram teneantur. XIII. Non infirmis tantum præsit, ut dictum est, sed sanorum etiam curam gerat in iis, quæ ad sanitatem conservandam spectant. Quare ejus munus est observare, num quis ex nimia fatigatione corporis, aut spiritus plus æquo laboret, vel alia de causa morbi periculo se exponat. Et, si in cibis, aere, frigore, aut alia quapiam in re aliquid probabili ratione animadvertat, quod communi omnium, vel alicujus salutis obesse possit, Abbatem admoneat.

CAP. XVI.

De Janitore.

I. Monasterium perpetuo sit clausum, clavisque in porta non relinquatur; ac propterea Janitor ab Abbate constituatur Monachus mansuetus, humilis, patiens, & sedulus, qui januæ custodiendæ semper assistat, eamque nemini Monachorum aperiat, nisi Socium, & exeundi licentiam obtinuerit. Nullus autem e Monasterio egrediatur, nisi cum Socio, licentiaque petita, ac impetrata, & benedictione accepta ab Abbate, seu Vicario, aut in horum absentia, ab antiquiore ex Profellis. II. Vocantibus cito adit, & respondeat: Non tamen prius portam aperiat, quam per fenestram videat qualitatem personæ advenientis. Quæ si ejus conditionis fuerit, ut paucis verbis expediatur, id faciat cum omni humanitate. Si vero fuerit persona gravis, aut Religiosa, portam aperiat, interroget quid velit, ad locum honestum ad id destinatum intronit, & sine mora significet Abbati. III. Neminem Monachorum sine facultate Abbatis ad januam vocet: nec, nisi urgeat necessitas, Janitor licentiam pro illo vocando ab Abbate petat, aut Abbas illam det, cum tempus est Divini Officii in Choro, Prandii, Coenæ,

Silentii, aut Congregationis. Nec facile idem Abbas licentiam dabit introducendi Sæculares in claustra Monasterii, & multo minus in Dormitorium Fratrum, nisi sint magni viri, aut Prælati. IV. Monasterii portas ante noctem claudat Janitor. Exinde vero eas nullius causa aperiat, inconsulto Abbate. Et antequam cubitum eat, claves eidem tradens, si quis foris maneat, illi renunciabit, Abbas vero, aut Vicarius quandoque de nocte eas observet. V. Literas omnes, & schedulas, & quæcumque alia domesticis mittuntur, Abbati reddat, ut ea videat, & ad eos, ad quos diriguntur, si velit, transmittat. Caveat etiam, ne alicujus domesticis literas, aut quid simile externis det in jussu Abbatis. VI. Nichil custodiendum a quopiam extraneo recipiat, Abbate inconsulto. VII. Si pauperes ad januam elemosinæ causâ accedere contingat, cum iisdem benigne se habeat, & sedulo quærat quid eis erogari possit, juxta Abbatis arbitrium. VIII. Mulieres, si quando ad ostium accedant, paucis verbis dimittat: aut si pluribus opus esse videretur, in Ecclesiâ, si extra Monasterii claustrum sit, ad Ædituum eas mittat, ubi ipsis responderi poterit; aut Ædituum, seu Abbatem vocet, ut earum negotia expediant, prout res postulaverit. IX. Si quis elemosinam ad januam dabit, eam Æconomus statim tradet. X. Loca portæ vicina munda servet, & ut juxta januam omnes submissa voce loquantur, curet. XI. Ut Janitor ad portam sollicitus assistere possit, primo post perfolutas matutinas horas sacrificio intersit. Cum autem cibum sumit, aut in aliquo ministerio intra, vel extra Monasterium occupatur, alius ab Abbate, seu Vicario ad custodiam portæ destinatur.

CAPUT XVII.

De Custode Vestium.

I. Servare debet omnem suppellectilem, sive lineam, sive laneam, & quidquid ad indumenta, & ubi opus fuerit, etiam ad calcamenta attinet. Quæ diligenti cura, ut res Pauperum Christi, custodiet in loco ad id destinato. II. Inventarium rerum, quas ipse custodit, si alicujus momenti sint, in libro habeat. Et seorsim scribat quæ de novo fiunt, ut Abbati sui muneris rationem reddere queat. III. Vestes ordine dispositas servet: ne corrumpantur, videat, & refarciendas etiam curet. Quas vero non amplius usui Fratrum futuras judicabit, eas Abbati ostendat, ut ille de iis statuatur. IV. Quæ singuli Novitii ad Monasteria attulerint, ea alicubi separatim asservet, donec professionem emittant. V. Singulis mensibus cellas visitabit, ut ex Abbatis arbitrio, si quid eis desit, suppleri possit. Si quid etiam superfluum invenerit, vestes duplices, instrumenta itineris, & similia, in vestiaria officina custodiantur. VI. Inspiciat etiam quinam vestibus indigeant, ut Abbati referat. Eo vero inconsulto nihil cuiquam dabit. VII. Linei panni lotori, sive externus ille sit, sive domesticus, scripto numero dentur, & accipiantur. VIII. Tunica

nica singularum, quæ statura indumentum convenire debent, signis particularibus internosentur, ne eas permisceri contingat. IX. Sabbati vespere lineam munda per omnes cellas distribuat. Dominica vero die, mane ex eisdem cellis immunda colligat. Et an omnia, quæ dederat, recipiat, animadvertat.

CAP. XVIII.

De Cellarario.

I. Custodiendis in Monasterii Cellario victualibus, ab Abbate Cellarius deputetur, vir sobrius, & non prodigus: idemque curam habeat omnium eorum, quæ ad cibum, & potum spectant, singula in locis suis reposita, & clausa servans. II. In rebus distribuendis iustum Abbatis sequatur: Et quamvis communiter æqualitatem inter omnes servare debet, habeat tamen Infirmorum, Convalescentium, eorumque, qui laboriosa opera exercent, rationem, prout ei fuerit ab Abbate præscriptum, sine cuius arbitrio neque jentaculum, neque aliud quidpiam ulli concedet. III. Antequam pœnitens absumantur victualia, quæ in Monasterio reconduunt, Abbatem admoneat, ut tempestive per Æconomum providere possit. IV. Curet munditiam tam Cellarii, quam Refectorii, eorumque omnium, quæ ejus usus serviunt: utque mensæ rebus necessariis paratæ sint, cum refectorii signum dabitur. V. Catalogum habeat rerum, quæ ad Cellarium, & ad Refectorium pertinent. Alterum etiam eorum, quæ per hebdomadas, aut menses debent Fratribus ministrare tam in cibo, quam in potu. Tertium denique eorum, qui mensæ ministrari sunt. VI. Quæ ex mensa supersunt, colliget, atque Coquo tradet, qui illa conservabit, memor paupertatis, ut & domesticis, & externis pauperibus usui esse possint juxta præscriptum Abbatis.

CAP. XIX.

De Coquo.

I. In iis omnibus, quæ ad suum munus pertinent, munditiam servet ipse, & ab aliis servandam curet: detque operam, ut omnia recte, & opportune parentur; ea præsertim, quæ ad ægrotos pertinent. II. Semihora, aut saltem quarta horæ parte, antequam in mensa sit sedendum, præparati omnes cibi esse debent. III. Circa quietatem, & quantitatem, ordinem ab Abbate præscriptum sequatur. IV. Coquere, aut aliud quidpiam pro aliquo particulari parare, Infirmario tantum excepto, neminem sinat, neque ipse faciat sine Abbatis facultate. V. Scriptum in Codice habeat Catalogum rerum, quarum est usus in Coquina, quas ipse servare debet. VI. Diligentiam in rebus, quas consumit, adhibebit, ne quid non necessarium infumatur contra paupertatem religiosam. VII. Si quem adiutorem haberet, fatagat, ut eum verbo, & exemplo adificet, præsertim Novitios.

CAP. XX.

De Hebdomadario Mensæ.

I. Abbas Monasterii, seu ejus Vicarius Bull. Rom. Tom. XIV.

rius singulis hebdomadis catalogum faciet, quo per turnum Monachorum omnium, qui legere norunt, notetur Hebdomadarius Mensæ. II. Officium Hebdomadarii Mensæ est libros ad mensam legere. Ab hoc Officio eximitur Abbas Monasterii. III. Hebdomadarius mensæ libros pro lectione ante mensam apertos habeat; & quando leget attendat, in quo emendetur ab Abbate, aut Vicario; & emendatus assurgat cum humilitate, & repetat, prout emendatus fuerit. Ad signum Abbatis, aut Vicarii finiet lectionem. Libri autem, qui legentur, sunt: Sacra Scriptura, Vita Sanctorum, Historia Ecclesiastica, & Opera Ascetica; quæ ab Abbate assignari debent, servato ordine, ut primum legantur aliquot versiculi ex Scriptura, deinde succedat lectio ex vitis Sanctorum, aut ex Historia Ecclesiastica, & claudatur lectione alicujus Tractatus ascetici.

PARS QUARTA.

CAPUT I.

De Congregatione Generali.

I. Congregatio Generalis de triennio in triennium celebretur, nisi forte ob aliquam urgentem necessitatem esset anticipandum tempus, aut prorogandum ex decreto Congregationis Hegumenorum, quod debet opportune toti Ordini significari. Casus autem, ob quos Congregatio Generalis, prorogari, vel anticipari potest, sunt. Primo, mors Abbatis Generalis, aut ejus ad altioris dignitatem promotio, aut quando de ejusdem depositione, suspensione, vel publica reprehensione agendum sit, ut dictum est supra Parte Tertia Cap. IV. n. II. Deinde publica rerum, regionumque perturbatio, ob pestem, vel bellum, aut propter persecutionem Infidelium, vel Hæreticorum, vel Schismaticorum, aut communem totius Ordinis, vel principalium potiorumque Monasteriorum necessitatem, quæ iudicio Congregationis Hegumenorum urgens visa fuerit: in quo nihilominus casus significandum id erit Abbatis Monasteriorum. II. Penes Abbatem Generalem est Congregationem indicere, eique præsidere usque ad successoris electionem. Si vero ipse mortuus fuerit, aut promotus, aut de ipsius causa consultandum sit, tunc ad Hegumenos spectabit illam indicere, eique præsidere usque ad novi Abbatis Generalis electionem, aut veteris probatam innocentiam: servata semper Vicarii Generalis inter Hegumenos præminentia, ut dictum est alibi. Vivente tamen Abbate Generali, etiam quando de ipsius causa agendum est, in literis, in quibus ab Hegumenis Congregatio indicetur, nomen ejusdem Abbatis præponatur nominibus Hegumenorum. III. Duobus saltem mensibus ante diem, quo celebranda erit Congregatio, indicatur per encyclicas epistolas ab Abbate Generali, & Hegumenis subscriptas, & ad omnia nostri Ordinis Monasteria missas. Si quod vero Monasterium longius distet, tot mensibus ante indicenda erit, quot suffice-

re videbuntur iudicio Hegumenorum. Dies autem Congregationis celebrandae destinari solita, est 15. Octobris, qua Ordinis nostri Congregatio instituta fuit. IV. Ad Congregationem Generalem vocandi erunt, eique interesse, & in ea vocem habere poterunt prater Abbatem Generalem, & quatuor Hegumenos, eorumque Vicarios (si qui antea electi fuerant) Abbates omnes tam Provinciarum, quam Monasteriorum, & cum unoquoque Abbate Socius a Congregatione Monachorum illius Monasterii electus. Quotquot praterea Officio Abbatis Generalis, vel Hegumenorum funsi sunt, modo non fuerint ob defectus aliquos depositi. Iis autem unumquodque Monasterium de necessario viatico providebit, tam in eundo, quam in redeundo; ob quem finem a primoribus tum Ecclesiasticis, tum Secularibus illius Provinciae, Abbates elemosynam colligant, & eam secum deferant. V. Si quis Abbas, vel Officio Abbatis Generalis, aut Hegumeni defunctus, ob legitimum impedimentum a Congregatione Monachorum probandum, per se ipsum adesse nequiverit, mittat Monachum idoneum; qui vices suas in Congregatione Generali suppleat, habeatque locum in Congregatione tanquam absentis Procurator. Qui vero propter contumaciam, vel inanes causas adesse neglexerit, cognita, & declarata eius causa in Congregatione Generali, excommunicetur, & Monachi ab eius obedientia absolvantur. Socii autem Abbatum, qui in Congregatione Monachorum electi fuerint, neminem possunt sibi substituere, nec suae electioni renunciare. VI. Nemo in Congregatione Generali vocem habeat, nisi sex annos in Ordine compleverit, inchoando ab annis probationis, & nisi triginta annos aetatis saltem inchoatos habeat. Item nemo in Monasterium ad celebrandam Congregationem destinatum intret, nisi tribus diebus, antequam inchoanda sit Congregatio. Exceptis iis, qui ex longinqua regione per mare veniunt. Qui ad Congregationem venerint sine licentia, per totum tempus, quo Congregatio durabit, detineantur in loco poenitentiae: Congregatione autem terminata, decernat de eis Congregatio Hegumenorum. Si quis vero querelas habeat ad Congregationem deferendas, mittat eas cum Abbate, vel eius Socio, propria manu subscriptas. VII. Unusquisque Abbas ad Congregationem veniens, aut Vicarium suum mittens, debet asferre secum, vel cum Vicario mittere. I. Sigillum Monasterii. II. Catalogum, in quo descriptus sit numerus Monachorum vivorum, & quot defuncti sunt post ultimam Congregationem, & quot recepti. III. rationem dati, & accepti toto regiminis sui tempore. Socius vero Abbatis debet secum asferre. I. Literas Monachorum de sua deputatione. II. Querelas eorundem, si quae erunt. VIII. Abbas Generalis, vel eo absente, Hegumeni, opportuno tempore provideant de rebus ad celebrandam Congregationem necessariis.

Quare I. Abbatem Monasterii, in quo Congregatio celebranda est, vel eo absente, Monachum alium, constituent, qui Oeconomi Congregationis Generalis nomen gerat, curetque, ut locus Congregationi opportunus praeparatur, ut adsint vestimenta, lecti, & quaecunque ad receptionem Monachorum hospitum necessaria sunt. II. Deputent duos saltem Confessarios cum facultatibus opportunis: nec non unum Scribam Congregationis, qui suffragia notabit, & literas ad Congregationem directas coram omnibus leget. Unum praterea Aedituum, qui curam habeat Sacelli, ubi Congregatio fiet: & unum Janitorem, qui portas Congregationis observabit. Hi vero omnes, prater Abbatem supradictum, idest Confessarii, Scriba, Aedituus, & Janitor, debent esse ex eorum numero, qui suffragia non habent in Congregatione. Reliqua autem Coenobii ministeria, tam in Ecclesia, quam in Choro, & Refectorio per eisdem Coenobii Monachos diligenter obeantur, nec Congregationis praetextu quidquam ex regulari disciplina omittatur. IX. Cum dies assignata advenierit, non obstante cujuscumque absentia, Congregatio incipiat. Cognitores autem suffragiorum sunt. I. Abbas Generalis. II. Quatuor Hegumeni. III. duo ex Monachis Congregationis a communitate Vocalium electi: in quorum tamen electione neque Abbas Generalis, neque Hegumeni vocem habebunt. X. Congregatio Generalis per septem dies durabit. Singulis autem diebus post cantata Divina Officia, & celebratam sacram Liturgiam, scrutinium fiet, cui praemittetur sermo pareneticus ab Abbate Generali, aut alio quopiam ad Convantum Monachorum per semihoram. XI. In primo triduo, Ordinis statum examinent, seduloque explorent, si quid supplendum, aut rescandum sit. Singulisque permittitur, quodcumque ad se statuerint, suggerere Abbati Generali, aut Hegumenis, qui Monachorum suggestiones in commentarium relatas coram Congregatione recitabunt. Interim Hegumeni iussu Abbatis Generalis a Monasteriorum Abbatibus statum, & rationes exigant singulorum Monasteriorum, easque in Tabularium totius Ordinis referendas, eidem Generali Abbati exhibeant. Quarta die proceditur ad electionem Abbatis Generalis, & Hegumenorum, ut infra. Si autem non ob electionem Superiorum, sed ob aliam causam coacta fuerit Congregatio, de illa tractabitur. Tribus postremis diebus Monachorum cause finiuntur, eorumque postulatis satisfiat, & si quid contra Regulam, Constitutiones, vel Consuetudines Ordinis peccatum est, corrigatur. XII. Septimo die postquam Congregatio terminata est dato signo a Gener. Abbate, aperiatur porta, ita ut etiam non Vocales adesse possint, & audire. Tum a Scriba Congregationis legatur. I. Tabula novorum Officialium a tota Congregatione, sive ab Abbate Generali, & Hegumenis electorum, nec non Monachorum ad Monasteria,

Monasteria, quae idem Abbas Generalis designaverit, mittendum. II. Constitutiones, si quae fuerint a Congregatione sancitae. III. Recitantur nomina Monachorum omnium ab ultima Congregatione Defunctorum, ut pro iis omnibus una Missa solemnis celebretur. IV. Recenseantur etiam nomina inferiorum Benefactorum, simulque omnes moneantur, ut pro iis, Sacerdotes quidem unam Missam celebrent, laici vero dicant quinquaginta *Pater noster*, *Ave Maria*. Abbas Generalis faciat absolutionem Generalem, & sic Congregationem dimittat. XIII. Dimissa Congregatione Generali, una cum Hegumenis faciat absolutionem Hegumenorum: & primo quidem eligantur Abbates Provinciarum, & Monasteriorum, singulisque Patentes literae tradantur, ut ad Officia sua adeant. XIV. Forma literarum Congregationis Monachorum, cum mittunt ad Congregationem una cum Abbate Monasterii seu Provinciae Socium ab ipsis electum. Reverendissimi Patres, notum facimus vobis Congregationem nostram habitam in Monasterio N. die N. mense N. anno N. communi consilio elegisse Reverendum Patrem N. ut nomine totius Monasterii, vel Provinciae, una cum nostro Abbate ad Congregationem Generalem accedat. Quocirca tradimus ei potestatem agendi pro nobis in Congregatione Generali omnia, & singula, quae facere possemus, si praesentes essemus: ratum gratumque habituri quidquid in eadem Congregatione factum fuerit. Datum in Monasterio N. anno N. mense N. die N. Sigillum * Monasterii. Et subscribent omnes iuxta ordinem suum. XV. Forma literarum Abbatis Provinciae, vel Monasterii, cum mittit Vicarium, vel Procuratorem ad Congregationem Generalem. Reverendissimi Patres, notum facio vobis, me ob causam N. impeditum, elegisse Reverendum Patrem N. ut tanquam meus Vicarius, & Procurator ad Congregationem Generalem accedat: eique sigillum, & rationes Officii mei tradidisse, nec non facultatem in Congregatione Generali omnia, & singula agendi, quae ego facere possem, si praesens essem; ratum gratumque habiturus quidquid in eadem Congregatione factum fuerit. Datum in Monasterio N. anno N. mense N. die N. Sigillum * Officii N. Abbas Provinciae vel Monasterii N.

CAP. II.

De Electione Abbatis Generalis & Hegumenorum.

I. Ante electionem legantur Constitutiones de requisitis eligendorum, deque eorum Officio. II. Nemo potest in Abbate Generali, aut Hegumeni eligi: nisi compleverit annum aetatis trigessimum, & annum in nostro Ordine octavum quidem Abbas Generalis, sextum vero Hegumenus. III. Electio nullo modo fiat per absentium, sed praesentium dumtaxat suffragia, eaque secreta sint, non publicatis eligentium nominibus. IV. In loco pro ele-

ctione deputato Aedituus Aram maximam, ubi venerabile Eucharistiae Sacramentum in Ciborio conditum prostrabit, solemnius, quam in primo triduo Congregationis, ritu instruat. Super Altari ante Ciborium alta Crux collocetur, sex hinc inde accensis candelis. A dextris Crucis Evangeliorum codex pretioso velo coopertus, a sinistris vero Imago, sive Reliquia S. Patris nostri Antonii, & Codex Regulae cum Constitutionibus. Infra Altare ad latus dexterum ponatur mensa, juxta quam assidebit scriba, seu Secretarius, qui data servandi secreta fide solus ex Patribus non Vocalibus in Congregationem introducetur. Super mensam vas, seu arcula collocetur, in quam ab Electoribus schedulae emittendae erunt. Sic autem fabricetur, ut demissa e superiori orificio schedulae dilabi aut extrahi nequeant, donec functione peracta legitime a Cognitoribus suffragiorum referretur. Alterum praterea vas intra Cancellos Altaris praeparatur aqua oppletum, in quod schedulae praedictae statim proiciantur. V. Habeatur Sermo pareneticus ad Electores per semihoram de eligendo digniori Abbate Generali, dignioribusque Hegumenis, deque Votorum renovatione praemittenda ab omnibus. VI. Absoluta praenesti, Abbas Generalis, & quatuor Hegumeni hinc inde ad dexteram lavamque ipsius ante portam mediam in genua procident, & pone hos Provinciarum, Monasteriorumque Abbates, deinde reliqui Monachi, secundum antiquitatem propriae professionis. Postremo scriba, seu Secretarius, & Aedituus, & ad portam Janitor. VII. Sequatur Votorum renovatio, Abbate Generali, & Hegumenis praesentibus, deinde reliquis simul praesentibus de verbo ad verbum, & cum pausa, ut supra Par. II. Cap. XI. VIII. Abbas Generalis absoluta Votorum renovatione, Beatissimae Virginis Mariae Litanias cum cantu inchoabit: quibus finitis, Fratres admoneat, ut praemisso contritionis actu, intentionem pariter rectam habere studeant, simulque omnes Dominicam Orationem recitent, & SS. Trinitatis opem, nec non Deiparae, & S. Antonii intercessionem implorent. Mox assurgit ipse, & Fratres in genua adhuc provolutis, generalem Absolutionem pronunciat. Post universi e templo egressi, ad ferenda suffragia accedant, si alibi electio facienda est: si vero in eodem templo, Aedituo foras egresso, porta clauditur, quam Janitor ab exteriori parte observabit. IX. Antequam ad novi Abbatis Generalis electionem procedatur, debet is cuius Officium expirat, Sigillum, & Officium in manibus Hegumenorum resignare, ac deponere in haec verba. *Reverendi Patres, in manibus vestris, resigno, ac depono Officium Abbatis Generalis, quod mihi indigno Congregatio Generalis commisit, simulque veniam peto de omnibus culpis a me in eo commissis. Hoc idem facere debet unusquisque Hegumenus coram electo Abbate Generali, cum ad Successoris sui electionem procedendum est, dicens, Reverendissime*

distimo Pater in manibus vestris resigno, ac depono officium Hegumeni, quod mihi indigno commissum est, simulque veniam peto de omnibus culpis a me in eo commissis. Facta tamen resignatione, in suo loco, & ordine tandiu stabit, donec Successor delectetur, Si per obitum, aut promotionem Abbatis Generalis, aut aliquod legitimum eius impedimentum, electus fuerit Vicarius Generalis; hic etiam ante electionem novi Abbatis Generalis resignabit officium in hæc verba. Reverendissimi Patres, in manibus vestris resigno, ac depono officium Vicarii Generalis, quod mihi indigno commissum est &c. Idem dicendum de Vicario Hegumeni. X. Suffragiorum ordo est. Primus Abbas Generalis ad mensam accedens, suum suffragium in schedula scribat, nomine tantum electi expresso, hoc modo. Eligo Reverendissimum Patrem N. in Abbatem Generalem nostri Ordinis. Tum schedulam propriam manibus complicit, atque in præparatam Arcam iniiciat. Sequantur ordinatim singuli Hegumeni, postea Abbates Provinciarum, & Monasteriorum, postremo reliqui Patres Vocales, habita semper ratione antianitatis professionis. Si quis Patrum indigeat operam scribæ, hic suggestum ab illo nomen scribat in schedula, eamque applicatam ipsi reddat, in prædictam Arcam ab eodem propria manu statim dimittendam. XI. Post lata suffragia in locum suum unusquisque regrediatur: loca autem extra Cancillos Altaris disposita erunt. Tum vero Abbas Generalis solus cum quatuor Hegumenis, & duobus a Patrum coetu ad cognoscenda suffragia electis, sanctuarium ingressus, schedulas ex Arca extrahat, mox numeret; & si Patrum numerum superent, aut minime æquent, electio non constabit, nec aperienda erunt schedulae, sed continuo in vas aqua oppletum immittantur, & nova electio fiat. Si vero suffragiorum numerus bene constet, tunc Abbas Generalis singulas schedulas coram Hegumenis, & duobus suffragiorum Cognitoribus aperiat, nomenque electi altiori voce pronunciet, ut Monachi in Templo stantes audiant, & illud a Secretario in charta notetur. XII. Si pars suffragiorum supra dimidium Vocalium major convenire in electione reperitur, ea censetur facta: sin autem in duas personas suffragia dividantur, his a ferendo suffragio exclusis, iteretur scrutinium. Si rursus æqualis pro utroque suffragiorum numerus constiterit, præferendus prior tempore professionis. Si autem professionis tempore æquales fuerint, ætas attendenda, & senior juniori præligatur. XIII. Si vero suffragia in diversas personas dilabuntur, ita ut in neminem major Congregationis pars conveniat; secundo, ac tertio scrutinium repetatur. Quod si etiam tunc nemo habeat maiorem suffragiorum partem, contingat autem duos, vel tres habere plura suffragia, ita ut singuli quartam saltem partem suffragiorum obtineant, per Abbatem Generalem promulgentur his verbis. Reverendus Pater NN. & Reverendus Pater NN. habent plura suffragia,

quam reliqui. Ex his igitur potestis unum eligere in Abbatem Generalem totius Ordinis. Tum illis, qui nominati sunt, exclusis, Vocales reliqui ad electionem modo supra dicto procedant, unum ex nominatis eligentes, in quem major pars suffragiorum convenerit. XIV. Finito scrutinio electus Abbas Generalis promulgetur a suo prædecessore, vel si ipse in Officio confirmatus fuerit, a primo Hegumenorum, his verbis. Reverendi Patres, facta suffragiorum collatione, invenimus maiorem partem Congregationis nostræ, convenire in electione Reverendi Patris NN. Ideo nomine totius Congregationis nostræ, & potestate per vos omnes mihi concessa, pronuncio, & declaro Reverendissimum Patrem NN. electum fuisse, & esse nostram omnium, totiusque Ordinis nostri Abbatem Generalem. XV. Facta electionis proclamatione, primus Hegumenus, aut dignior inter Vocales intonat Psalmum XIX. reliquis alternatim prosequentibus. Exaudiat te Dominus in die tribulationis, protegat te nomen Dei Jacob &c. Interea Hegumeni ducunt Electum ad sedem ad cornu sinistrum Altaris paratam, qui osculatur primum Altare, deinde sedet. Tum a digniori traditur ei liber Regulae, & Constitucionum, ac Sigillum Officii; qui retinens Sigillum, tradit uni ex Vocalibus, ut legat Caput III. Partis III. quod est de præminentia, & Officio Abbatis Generalis. Interim Fratres singuli juxta Ordinem suum ad eum accedentes, genibus flexis manus eius osculantur. Ipse vero tandiu in loco suo sedebit, donec Hegumeni quatuor eligantur: nec e sede sua recedit, nisi cum suffragium proprium scripturus est, & in Arca immisurus, & suffragia Monachorum, ut supra, cogniturus, electumque proclamaturus: quo statim proclamato ad sedem suam redibit. XVI. Si electus absens fuerit, postquam proclamata est illius electio, cantatur Psalmus XIX. ut supra. Quo finito statim proceditur ad electionem Hegumenorum, quorum primus vices Abbatis Generalis geret, donec Abbas Generalis aderit. Quod si adesse possit antequam Congregatio Generalis absolvatur, tunc Enthronismus ejus modo supra dicto fiat. XVII. Neque Abbatij Generali, neque Hegumenis fas est electionem suam recusare, aut Officium abdicare. Si vero contigerit eos ex legitima causa ab Officii executione impediti, in Congregatione Hegumenorum potest Vicarius ejus substitui, ut dictum est Par. 3. Cap. 4. XVIII. Absoluta Abbatis Generalis electione, continuo ad electionem quatuor Hegumenorum juxta prædictum ordinem procedent, etiam si electus Generalis absens fuerit. Primum Hegumenus in manibus Abbatis Generalis, vel eo absente in manibus dignioris ex Vocalibus, resignat Sigillum, & Officium, ut supra. Mox suffragia feruntur: & si duo, vel tres plura suffragia habere reperiuntur, ita ut quartam saltem partem singuli obtineant, Abbas Generalis recens electus, vel eo absente dignior ex Vocalibus (exclusis illis, qui nominantur) dicat ad coetum Monacho-

nachorum. RR. PP. NN. & NN. habent plura suffragia, quæ reliqui. Ex his igitur potestis eligere unum in Hegumenum. Finito scrutinio electus Hegumenus promulgetur ab Abbate Generali, aut eo absente a digniori ex Vocalibus, in hæc verba. Reverendi Patres, facta suffragiorum collatione, invenimus maiorem partem Congregationis nostræ convenire in electione Reverendi Patris NN. Ideo nomine totius Congregationis nostræ, & potestate a Vobis mihi concessa pronuncio, & declaro Reverendissimum Patrem N. electum fuisse, & esse Hegumenum. Addat in fine. Primum, secundum, tertium, vel quartum, juxta uniuscujusque Hegumeni locum. Hegumenus electus Abbati Generali genuflexus, ejusque manus deosculatus, ad dexteram ipsius, vel sinistram juxta ordinem suum stabit. Abbas vero Generalis illum ad osculum admittit, eique Sigillum Officii tradit. Tum Fratres juxta ordinem suum, facta prius Altari, deinde Abbati Generali, & Hegumenis antea electis, aut officio confirmatis reverentia, coram Hegumeno recens electo genuflexus, manum ejus osculantur. Hegumeni vero antea, ut supra, electi, collegam suum post ipsos electum ad pacis osculum admittunt. Si Hegumenus Sacerdos non fuerit, sola pacis appreciatione, omiffa genuflexione, honorabitur. XIX. Penes Congregationem Generalem est Abbatem Generalem confirmare, vel novum eligere. Hegumenorum pariter potestatem prorogare, aut abrogare, sive quosdam confirmare, & alios de novo eligere: nam omnes simul, eodemque tempore mutare, minus expedire videtur: ut nimirum novus Hegumenus a veterano rudimenta novi officii capiat. Si vero attentis circumstantiis, secus agendum electoribus in Domino visum fuerit, ad omnium etiam Hegumenorum depositionem tuto procedent. XX. Secretarius Congregationis, tam Generalis Abbatis, quam Hegumenorum electionem in acta referat, quæ subscriptionibus omnium Vocalium firmata, in Archivo aservetur. XXI. Absoluta quatuor Hegumenorum electione, Divina Majestati gratia agenda sunt. Quocirca Abbas Generalis cum Hegumenis, & omnibus Patribus Vocalibus ante portam mediam Altaris procidat in genua primus ipse, deinde quatuor Hegumeni, mox reliqui juxta ordinem suum. Tum incipiat Psalmum 148. reliquis hunc, & duos sequentes Psal. mox alternatim cantantibus. Laudate Dominum de Cælis, laudate eum in Excelsis &c. Quibus finitis assurgens Abbas Generalis, rursus in porta media, conversus ad Altare, Fratribus genuflexis, sequentem precationem recitabit. Gratus agimus tibi Deus noster, Trinitas Sanctissima, Pater, & Fili, & Spiritus Sancte, quoniam sicut ad tuum Nos peculiarem famulatum assumpsisti, atque in Sanctis Tabernaculis tuis collocasti, fratresque in spiritu convulsos effecisti, & constituisti in Monte Sion, qui est religiosus status, ponens pacem fines tuas, muroque circumdatis obedientia, castitatis, & vo-

luntaria paupertatis; quo spectaculum fieremus Angelis, & hominibus: ita hodie gratia tua innovasti vinculum, quo jungimur dilectioni tue: nosque in Hierarchias, & Choros in similitudinem Angelorum distinxisti ad officia ministerii tui in Paradiso domus tuæ, quem plantasti nobis, & in quo nos collocasti, nosque illum operamur, beneplacitum tuum perficientes, & Divina voluntati tuæ obsequentes. Et nunc Domine Deus tuere nos, & custodi vineam istam, quam plantasti dextera tua, & domum tuam edifica, quam virtute tua fundasti: quia nisi tu Domine edificaveris domum, frustra vigilat, qui custodiant eam. Da Domine asiduum sedium tuarum sapientiam istis, quos ad ministerium domus tuæ elegisti. Benefac nobis, & corda nostra sanctifica, mentesque nostras in obsequio tuo confirma: intercedentibus Sancta Dei Genitrice Maria Virgine, & Beatissimo Patre nostro S. Antonio Magno, et omnibus Sanctis. Fratres. Amen. Deinde Abbas Generalis facta Altari reverentia, ad eos adhuc genuflexos conversus, facit abolutionem generalem in hæc verba. Deus misereatur vestri, & dimittat debita vestra, & tribuat vobis abolutionem, & remissionem omnium peccatorum vestrorum: In Nomine Patris, & Filii, & Spiritus Sancti. Fratres. Amen. Et surgunt, ejusque manum ordinatim osculantur, & ad suas singuli cellas secedunt.

CAP. III.

De Congregatione Hegumenorum, & electione Abbatis Provincie, vel Monasterii. I. Congregatio Hegumenorum de semestri in semestrem ab Abbate Generali, & quatuor Hegumenis celebretur: & quoties de rebus agendum est, aut valde urgentibus, aut potestatem ejusdem Congregationis exigentibus. II. Penes Abbatem Generalem est illam indicere, eique præsidere. Si vero ipse mortuus fuerit, aut promotus, aut de ipsius causa & reatu consultandum sit, tunc ad omnes simul Hegumenos spectabit illam indicere: & prior in ordine præfidebit tanquam Vicarius Abbatis Generalis, ut supra dictum est. III. Per septem dies ea durabit: singulis autem diebus præmissa Oratione Dominica, & Litanis Beatissime Virginis, coram Altari ab Aditu parato, Janitore portam observante, & Secretario ad mensam assidente, nec non duobus Monachis suffragiorum cognitoribus, suffragia ferent, ut supra dictum est de Congregatione Generali. Porro Secretarius, Aditus, Janitor, & duo suffragiorum cognitores ab Abbate Generali, & Hegumenis præligendi sunt. Antequam vero prima Congregatio inchoetur, sermo paræneticus fiat ab idoneo Monacho, quem Abbas Generalis designaverit. IV. Si post Congregationem Generalem eligendi sint Abbates Provinciarum, & Monasteriorum: primo Congregationis die, sedentibus in ordine suo Abbate Generali, & Hegumenis, accedunt Abbates, quorum officium expirat, vel eorum Vicarii, unus post alium: & genuflexi, Sigillum, & Officium in manibus Abbatis Generalis, & Hegumenorum reli-

gnant, & deponunt in hæc verba. *Rm̄i Patres, in manibus vestris resigno, ac depono officium Abbatis Provinciae N. vel Monasterii N. quod mihi indigno commissum fuit, simulque veniam peto de omnibus culpis a me in eo commissis. Si Vicarius fuerit, aut Procurator, dicat: Rm̄i Patres, nomine, ac vice Reverendi Patris N. in manibus vestris resigno, ac depono officium Abbatis Provinciae N. vel Monasterii N. quod ipsi commissum fuit, simulque veniam peto de omnibus culpis ab ipso in eodem officio commissis.* Facta resignatione, unusquisque extra Congregationem recedat; & clauso ostio, legat Secretarius coram Abbate Generali, & Hegumenis excessus, vel defectus, si quos dicti Abbates in suo officio commiserint: oblatas adversus eos subditorum Monachorum accusationes, & similia, quæ in ultimo triduo Congregationis Generalis examinata sunt, & in acta relata, ut Cap. I. huius Partis num. II. dictum est. Mox Generalis, & Hegumeni de iis deliberent: & si quid in Regulam, Constitutiones, Consuetudines, vel Monachos peccasse deprehensi fuerint, vocentur singillatim, & introducantur ad Congregationem, ibique reprehendantur, & digna malefactoris poenitentia multentur: alias omnes simul introducuntur, & genuflexi benedicantur ab Abbate Generali, & absolvantur, iis verbis. *Deus misereatur vestri etc.* ut cap. superiori circa finem. Tum extra Congregationem dimittantur: & Abbas Generalis cum Hegumenis per suffragia secreta eligat Abbates Provinciae, & Monasteriorum eodem modo, quo supra de Electione Generalis, & Hegumenorum dictum est. Suffragium in schedula scribatur sic. *Eligo Reverendum Patrem N. in Abbatem Provinciae N. vel Monasterii N.* Extrahuntur autem suffragia a duobus Monachis eorum cognitoribus, & scribuntur in charta a Secretario. Et unus ex illis duobus professione antiquior nomen electi altiori voce pronunciat, ut Generalis, & Hegumeni audiant: & qui plura suffragia habuerit, ille Abbas erit: quem proinde Generalis proclamabit in hæc verba. *Nomine Congregationis nostræ pronuncio, & declaro Reverendum Patrem N. Abbatem Provinciae N. vel Monasterii N.* Finito scrutinio omnes electi Abbates, qui in eo Monasterio presentes fuerint, genua flectunt coram Abbate Generali, & Hegumenis, manumque eorum deosculantur, & invicem ab his ad osculum pacis admittuntur. Abbas autem Generalis tradit unicuique eorum sigillum officii sui: deinde omnibus præter Hegumenos genuflexis, impertitur benedictionem, dicens: *Benedicat vos Omnipotens Deus Pater & Filius & Spiritus Sanctus. Amen.* Et procedunt unusquisque ad cellam suam. Abbas Generalis, & Hegumeni tradunt singulis patentes literas tenoris sequentis: *Venerabilibus Fratribus Ordinis S. Patris nostri Antonii Congregationis S. Iſaie Provinciae N. vel Monasterii N. salutem in Domino, & benedictionem. Notum facimus vobis, Fratres, Congregationem Hegumenorum habitam die N. mense N.*

anno N. communi consilio elegerit Reverendum Patrem N. in Abbatem vestrum proprium, & peculiarem, qui carne, & spiritu vos gubernet iuxta nostras Consuetudines, Constitutiones, et Regulam, quocirca mandamus vobis in virtute sanctæ obedientiæ, ut eidem secundum nostram Congregationis Regulam pareatis: eumque Abbatem, seu Patrem vestrum appelleris, ipsique veluti legitime præposito vestro debitam obedientiam, honorem, atque reverentiam exhibeatis. Si quis illi subesse noluerit, noverit se sacrorum votorum transgressorem fore. *Benedictio sit super obedientes. Datum in Monasterio N. die N. mense N. anno N. Congregatio Hegumenorum. Sigillum & Generalis, et Hegumenorum.* Cum dictæ literæ ad Monasterium venerint; unus ex Fratribus, reliquis audientibus, in Ecclesia, vel Refectorio, Abbate electo præsentem, illas legat: finitaque lectione, continuo Abbati electo, vel confirmato omnes genuflexant: Abbas vero iis benedicat, dicens: *Benedicat vos Omnipotens Deus Pater, & Filius & Spiritus Sanctus. Et respondeat. Amen.* Et surgunt, ejusque manum osculantur. Abbas suæ electionis patentes literas apud se custodiat: cumque statuto tempore exaudoratus, vel confirmatus fuerit, Abbati Generali illas rescribit. Secretarius autem Monasterii cas de verbo ad verbum describat, & in Archivo reponat. Sequentibus sex diebus in Congregatione Hegumenorum de rebus ad universum Ordinem spectantibus agatur. V. Si vero Congregatio Hegumenorum non post Congregationem Generalem, sed præstitutis temporibus suis fiat, primo die de gravioribus negotiis agendum erit, postmodum reliqua definiantur. VI. Terminata Congregatione, describi curent a Secretario Acta omnia, electiones Officialium, & Constitutiones, si quæ factæ fuerint: sigilloque, & propria Generalis, atque Hegumenorum subscriptione firmantur, & in Archivo reponantur. Quæ vero Monachis significanda sunt, ea per Encyclicas literas a Generali, & Hegumenis subscriptas significantur. Exemplum autem literarum omnium, quæ nomine Congregationis huius mittentur, a Secretario ejusdem Congregationis descriptum maneat in libro Regestorum, qui in Congregatione Generali tradatur novo Abbati Generali, & novis Hegumenis in Archivo reponendus.

C A P. IV.

De Congregatione Provinciae, & Monasteriorum.

I. Congregatio Provinciae unoquoque anno per triduum celebretur ab Abbate Provinciae, & Abbatibus Monasteriorum subjectorum: Congregatio vero Monasteriorum fit quolibet mense per unum diem ab Abbate Monasterii, & Monachis omnibus professis. Primam autem indicit Abbas Provinciae, alteram Abbas Monasterii: & illa quidem uno saltem mense ante constitutum diem significari debet: hæc vero tribus ante diebus. II. Quo mense faciendâ erit

Con-

Congregatio Provinciae, præmittenda est opportuno tempore Congregatio unicuique Monasterii, ut in promptu habeat Abbas si quid ad eam Congregationem referendum sit. Similiter quoque anno celebrabitur Congregatio Generalis, opportunè præmittatur Congregatio Provinciae. III. Congregationi Provinciae præter Abbates Monasteriorum intererit Socius Abbatis unicuique Monasterii, a Congregatione Monachorum eligendus. Eius autem electio fieri debet tribus saltem diebus antequam ad Congregationem Provinciae procedatur, ut sufficiens tempus habeat ad sumendum informationem de statu Monasterii, deque querelis, & causis Monachorum. Idem dicendum de Socii Abbatum ad Congregationem Generalem discessu. Omnia autem, quæ Socius Congregationis generali, vel Provinciali nomine Monachorum præsentabit, debent esse sub Sigillo Monasterii clausa, & ab iis subscripta. IV. In utraque Congregatione idem ordo servetur, de quo supra in Congregatione Hegumenorum dictum est num. III. & VI. Secretarius autem, Edictus, & Janitor ab Abbate eligantur; duo vero suffragiorum cognitores a Monachis ad Congregationem convocatis. V. Agendum porro erit primo de rebus spiritibus ad profectum Monachorum spectantibus, inquirendumque in mores unicuique, si quid contra Regulam Constitutiones, & consuetudines peccetur. Secundo de regimine superiorum, & subjectorum obedientia. Tertio de temporalibus Monasteriorum rebus. VI. Abbate ad Congregationem generalem eunte, aut Vicarium mittente, adhuc celebretur Congregatio Monachorum de mense in mensem, cui ipse Abbas, vel ejus Vicarius præerit: non tamen celebrari poterit Congregatio Provinciae, nisi de anno in annum & ipso Abbate præsentem. VII. Si Abbas Monasterii decesserit, Vicarius mortem ejus tam Abbati Provinciae, quam Abbati Generali statim significabit, & interim Monasterium administrabit usque ad novi Abbatis electionem, & adventum. Quod si Vicarius in illo Monasterio non fuerit, tunc antiquior professione Vicarius erit: & inter æquales professione, antiquior ætate præferatur, & Sacerdos non Sacerdoti. Mortuo autem Abbate Provinciae, Abbas illius Monasterii, in quo residere solet, ad Abbatem Generalem literas scribat: nemo tamen in ejus officio se immiscebit, donec Abbas Generalis in Congregatione Hegumenorum de successore, aut Vicario decreverit.

C A P. V.

De Congregatione Hebdomadali.

I. In qualibet hebdomada per omnia Monasteria feria sexta, aut alia die non impedita, debet fieri Congregatio omnium Monachorum. II. Sedentibus omnibus, & Novitiis, si qui erunt, stantibus, Abbas, seu Vicarius aliquid ex libris spiritualibus legat, vel legi faciat ad Monachos. III. Deinde (Novitiis foras dimissis) idem Abbas, seu Vicarius faciat brevem exhortationem

contra defectus in Monasterio occurrentes, nullam tamen personam nominando. IV. Absoluta exhortatione, Abbas stans, reliquis genuflexis, dicat: *Deus misereatur nostri, & dimittat debita nostra, & tribuat nobis absolutionem, & veniam omnium peccatorum nostrorum. In nomine Patris, & Filii & Spiritus Sancti, Fratres. Amen.* Et surgunt, ejusque manum deosculantur, & ad suas unicuique cellas abeunt.

C A P. VI.

De Electione in communi.

I. Ab electione tam Activa, quam Passiva in quolibet officio Ordinis nostri, donec cum eo fuerit dispensatum specialiter, arectur omnis excommunicatus, suspensus, interdictus, irregularis, non profectus, & qui non subest nostræ Congregationi, etiam si fuerit Monachus profectus Ordinis S. Patris nostri Antonii: item qui ab Ordine nostro apostataverit, & qui ab illo ad alium Ordinem, etiam cum licentia Superiorum transivit, nec postea ad nostrum rediit. Item, qui habet impedimentum naturale, ut fatuus, delirus, lunaticus. Item qui est notorie infamis ob publicum delictum, ut est homicidium, fornicatio, furtum, perjurium, ebrietas. Item subornator, qui prece, pretio, minis, vel quocumque alio modo induxerit eos, qui in electione vocem activam habent, ut seipsum vel Monachum aliquem determinatum eligant, singulatim eum nominando. Item qui per se ipsum, vel alium procurat sibi dignitatem aliquam extra Ordinem. Item, qui publice, & scandalose Romano Pontifici, aut Patriarchæ vel Ordinario loci detraxerit, aut eo um canonicas sanctiones contempserit. Denique qui Monachum notorie indignum sciens, & prudens aliquando elegerit. II. In iis impedimentis, quæ ex jure Canonico proveniunt, dispensatio petenda est a legitimo Superiore (qualis est Sanctissimus Romanus Pontifex, Rm̄us D. Patriarcha, & Ordinarius loci Episcopus respective) In aliis vero, quæ ex nostris Constitutionibus inducuntur Abbas Generalis dispensare poterit, vel eo absente Congregatio generalis. III. Nemo eligi, aut eligere poterit in Abbatem Generalem, aut Hegumenum, sive in Abbatem Provinciae, aut Monasterii, nisi triginta annos saltem inchoatos ætatis habeat, & nisi sex annos in Congregatione nostra compleverit, includendo annos probationis. IV. In Congregationibus Hegumenorum, Provinciae, & Monasterii, si tantum vocem activam habent, quorum mentio ibi fit. Vocem vero passivam in Congregatione generali, & Hegumenorum habere possunt omnes Monachi profecti. In Congregatione vero Provinciae, & Monasterii tantum Monachi, qui sunt illius Provinciae, & Monasterii. V. Nemo potest habere plures voces activas, etiam si habeat plura in Ordine officia, sed unusquisque unam tantum vocem habeat. VI. Omnis electio fiat per suffragia secreta. VII. Ante electionem legantur Constitutiones de officio eligendorum, & de electione. VIII. Si

suffra-

fratras fuerint æqualia, aut in diversas personas ita distrahantur, ut in nullum majorem pars conveniat, id fiat, quod supra Cap. II. num. XII. & XIII. dictum est.

CAP. VII.

De Visitatione.

I. Abbas Generalis semel saltem in triennio visitet omnia Monasteria Ordinis & Abbas Provincia semel quolibet anno Monasteria sibi subiecta, ut dictum est Par. III. Cap. III. nu. III. & Cap. V. num. II. Si legitime fuerint impediti, substituent Vicarium Visitatorem, cui tempus, & auctoritatem per suas literas definiant, eique Socium seu Secretarium adjungent. Nulli autem Vicario Visitatori credatur, nisi literas suæ delegationis antea exhibuerit coram Monachis in Congregatione convocatis in eo Monasterio, quod visitandum erit: eam vero Monachorum Congregationem Abbas convocabit, statim atque ei exhibita fuerint literæ Abbatis Generalis, aut Hegumenorum, aut Abbatis Provincia. Si autem Abbas fuerit absens, aut obedire noluerit, tunc ipse Vicarius Visitator eam convocabit. Forma literarum Vicarii Visitatoris, *Venerabilibus Fratribus Ordinis S. P. N. Antonii Congregationis S. Iuie Provincia N. vel Monasterii N. salutem in Domino, & benedictionem. Notum facimus vobis, Fratres, Nos elegisse Reverendum Patrem N. in Vicarium nostrum, eique vices vestras commississe, ut visitet Vos, & vestrum Monasterium in temporalibus, & Spiritualibus, & inquirat in omnia ad Vos, dictumque Monasterium spectantia, juxta nostras consuetudines, Constitutiones, & Regulam, cum facultate discernendi, quæ decernenda esse urgente necessitate compulerit; alia vero ad nos deferendi; non tamen alium in locum suum substituentem, nec Visitationem in quolibet Monasterio ultra triennium prorogandi. Quocirca mandamus vobis in virtute sanctæ obedientiæ, ut Reverendum Patrem N. tanquam Vicarium Visitatorem a nobis deputatum recipiatis, eique debitam reverentiam & obedientiam juxta commissum ipsi officium exhibeatis. Si quis illi contradicere ausus fuerit, noverit se suorum Votorum transgressorem fore. Benedictio sit super obedientes. Datum in Monasterio N. die N. mense N. anno N. Abbas Generalis, vel Hegumeni, vel Abbas Provincia N. loco & sigilli.* III. Lectis in Congregatione literis, statim omnes genuflectent, excepto Vicario Visitatore; deinde surgentes deducunt illum in Ecclesiam a dextris Abbatis Monasterii procedentem. Si Abbas Generalis, aut Abbas Provincia personaliter ad visitandum Monasterium venerit, convocata ab Abbate loci Monachorum Congregatione, significabit breviter, ut præparent se ad reddendam rationem, quam sequenti die exigere incipiet: deinde procedet una cum Abbate Monasterii, & Monachis ad Ecclesiam, ut supra. IV. Ante Aram maximam omnibus ordinatim genuflectis, Abbas seu Vicarius Visitator item genuflectus, ad portam mediam orabit aliquantulum,

deinde intonabit Psalmum CXLVIII. *Laudate Dominum de Cælis &c.* quem una cum duobus sequentibus Psalmis Monachi alternatim cantent, Et dicat *Gloria Patri*, surgit Abbas, seu Vicarius Visitator, & facta ad Altare reverentia, conversus ad Monachos genuflectos, faciat absolutionem, dicens. *Deus misereatur vestri, & dimittat debita vestra, & tribuat vobis absolutionem, & veniam omnium peccatorum vestrorum. In nomine Patris & Filii & Spiritus Sancti. Fratres Amen.* Et surgant, ejusque manum ordinatim osculantur: & abeunt in Cellas suas. V. Visitator primum locum tenebit cum Socio suo, qui Secretarii munus geret, etiam ante Abbatem Monasterii. Cum autem officio suo functus fuerit, ipse, & Socius locum juxta dignitatem suam, vel antiquitatem professionis habeat. VI. Primo Visitationis die cantatis Divinis Officiis, ac terminata per Abbatem loci, aut Vicarium Sacra Liturgia, antequam detur a celebrante benedictio, omnibus Monachis ordinatim genuflectis, Visitator diligenter visitabit totam Ecclesiam: ac primum Aram maximam, ubi repositum est Sanctissimum Eucharisticum Sacramentum; deinde reliqua, si quæ erunt, altaria: an omnia munda sint, & decenter ornata, & composita. Qua Visitatione absoluta, reversus ad portam mediam, & facta Altari reverentia, dat benedictionem dicens. *Benedicat vos omnipotens Deus, Pater & Filius & Spiritus Sanctus. Fratres. Amen.* Visitator prosequitur hanc admonitionem. *Auctoritate Dei, totiusque Ordinis nostri præcipio vobis in virtute sanctæ obedientiæ, ut cum unusquisque vestrum de omnibus, & singulis personis, ac rebus ad hoc Monasterium spectantibus interrogatus fuerit: debeat secundum conscientiam pure, & veraciter revelare, secusso omni odio, favore, & affectu: nec minus vestrum extra Monasterium discedere præsumat, sine expressa nostra licentia. Visitator deposita stola, in Sacristiam vadit cum Socio, Abbate Monasterii, & Præfetto Ecclesiæ, seu Sacrista, eamque diligenter visitat, considerando, an munda, & composita sint Vasa Sacra, Vestes, Libri, & omnia utensilia. Deinde procedit Visitator cum Socio, ac Abbate loci ad Cellam ipsius Abbatis, qui primo offert Visitatori scripta nomina, & officia singulorum Monachorum, & personarum, etiam secularium, qui Monasterio inserviunt. Secundo librum Regulæ, & Constitutionum Ordinis. Tertio librum decretorum, quæ alii Visitatores ei Monasterio reliquerunt. Quarto librum proventuum, & expensarum Monasterii, & Ecclesiæ. Quibus peractis Visitator ad Cellam sibi destinatam per ipsum Abbatem loci, aut Monachum ab eo designatum, advocabit singulos Monachos, & inquisitionem inchoabit a junioribus, & desinet in ipsum Abbatem, qui de singulis ipsi reddet rationem. Quæ autem a singulis Monachis referuntur, per Socium & Secretarium Visitationis in charta notabuntur, in quorum sine unusquisque nomen suum subscribat, vel si scribere nescit, ipse Secretarius ejus no-*

men subscribat de ipsius mandato. VII. Post hoc Visitator cum Secretario Iustrabit primo Cellas Omnium Fratrum: secundo alias Monasterii mansiones, ut Scholam, Bibliothecam, Hospitium, Infirmariam, Vestiarum, Cellarium, Coquinam, & Refectorium, presentibus Abbate loci, eoque Monacho, qui cellæ illius curam habeat. VIII. Tertio, & postremo die convocata totius Monasterii Congregatione in locum ad id paratum, Visitator brevem adhortationem faciet ad procurandam Regulæ, & Constitutionum observantiam: & legi faciat per Secretarium monita relicta Monasterio; moneatque omnes, & singulos, ut se ad poenitentiam negligentiarum faciendam disponant. Tum genuflectis omnibus coram Visitatore, culpas suas dicant ordinatim, incipiendo ab Abbate loci, usque ad juniorem Monachum, & veniam petant a Visitatore, qui singulis cum discretione & charitate poenam injungat salutarem. Mox faciat absolutionem, dicens: *Deus misereatur vestri &c.* ut supra num. IV. atque ita cum osculo pacis dimittat Congregationem. IX. Si ipse Generalis, aut Abbas Provincia Visitationem facit, utatur auctoritate sua in correptione Abbatis, & Monachorum: si vero fuerit Vicarius, ad substituentem omnia referat. Non tamen Abbatem loci deponere, aut ab officio suspendere poterit, nisi speciale facultatem habuerit a Congregatione Hegumenorum. Quod si necessitas requiratur, ut Monachum de illo Monasterio in aliud transferat, id auctoritate sua facere poterit, si Generalis fuerit, aut Abbas Provincia: si vero delegatus fuerit, consentiente Abbate loci, in quo est, & Abbate Monasterii, ad quod transferendus est Monachus, id faciet illis autem dissentientibus, rem ad delegantem referet. X. Hæc fere sunt, de quibus Visitator inquirere debet. An singuli debitam Abbati obedientiam exhibeant. An Abbas officio suo erga omnes æqualiter utatur. An inter omnes, & singulos pax, & concordia servetur. An sit aliquis proprietarius in Monasterio, vel scandalosus, ebriosus, otiosus, assuetus jurare, vel turpia loqui, notatus de suspecta familiaritate intra, vel extra Monasterium, cum scandalo alium non alloquens, rixosus, contumeliosus. An ab omnibus observentur Regula, & Constitutiones quoad Divinum Officium, Confessionem, Communionem, Orationem Mentalem, Jejunium, Refectorium, Silentium, aliaque Communitatis officia: & quomodo ritus, & ceremonia Ecclesiastica observentur. An aliquid desit, vel superfluum sit in Victu, Potu, Vestitu; & quomodo tractentur ab Abbate, tam Monachi sani, quam infirmi, & Hospites. Quomodo Monachi juniores instruantur: & qui sint mores secularium, qui sunt in Ministerio Cœnobii. XI. Acta omnia a Secretario excepta, Sigilloque munita in Archivum Ordinis inferat: & si Vicarius, sive Delegatus fuerit, ad Abbatem Generalem, vel Provinciam referat. XII. Omnem operam adhibeat, ut pacem

& concordiam in Monasterio relinquat.

P A R S Q U I N T A.

CAPUT I.

De Processu Judiciali.

Cum Monachorum causæ a Superioribus judicandæ sint, communis ordo Judiciorum servetur. **I.** Judex Secretarium presentem habeat ab ipso, aut a majori Superiore eligendum, qui examini adit, & dicta examinandorum excipiat, & sententiam scribat. **II.** Judicium introducendum erit vel per accusationem, vel per denunciationem, vel per diffamationem. Si per accusationem processus inchoetur, certus esse debet accusator, & capita accusationis porrectæ sua manu subscribat. Ante omnia autem examinandus accusator, an sit integræ famæ, an moveatur aliquo odio, aut alio pravo affectu? an quæ proponit, habeant aliqua adminicula, vel indicia veritatis, puta, quia accusatus alias in eodem genere peccati deliquerit, aut alio modo ejus fama, & existimatio laboret. Hæc autem exactius observanda sunt, quando accusator procedit contra Abbates: isti enim falsis delationibus, & querelis maxime obnoxii sunt: & rursus cum regiminis columna sint, non facile, neque ex levibus delationibus in periculum existimationis, & famæ vocandi sunt. Si per denunciationem procedatur, Denunciator similiter certus sit, subscribere se debet denunciationis capitibus, sicut accusator, & si ipse non tenetur processum prosequi, & objecta probare. Si autem per diffamationem procedatur, examinandum primo, an fama, aut diffamatio a probis, & honestis viris ortum habeat, eaque diffamatio non semel, sed sæpius ad aures Superiorum pervenerit. **III.** Post accusationem, seu denunciationem, seu diffamationem, Judex ad Testium examinationem deveniat, a quibus exhibitio de veritate dicenda juramento, vel factio iis de veritate dicenda in virtute sanctæ obedientiæ præcepto, primo, si sint extranei, generaliter interrogabit super eorum qualitatibus: deinde super prædictis capitibus accusationis, annotetque diem, mensem, & annum, quo singuli Testes fuerint examinati, & quæcunque deposuerint: Demum curabit, ut iidem Testes manu propria subscribant suas depositiones: & si ipsi literis ignorant, apponant sua manu figuram Crucis, & alius ex ipsorum mandato subscribat eorumdem nomina, annotando se illorum jussu subscripsisse. **IV.** His peractis, Judex accusatum, seu denunciatum, vel diffamatum citabit, eumque examinabit super prædictis, non semel, sed bis, vel ter, cum intervallo tamen, ut si contradictoria dixerit, possit ex sua confessione redargui. Et si opus fuerit, ad eum convincendum, eumque ad veritatem dicendam inducendum, poterunt coram eo produci Testes, qui ipsum convincant. V. Finito examine, dandum erit ipsi Reo exemplar depositionum Testium examinatorum sine eorum nominibus, cum